

Bosna i Hercegovina
Federacija Bosne i
Hercegovine
Kanton Sarajevo
Grad Sarajevo
**OPĆINA CENTAR
SARAJEVO**
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
**ОПШТИНА ЦЕНТАР
САРАЈЕВО**
Општински начелник

Na osnovu člana 4. st. 3 i člana 9. Zakona o ugostiteljskoj djelatnosti („Službene novine Federacije BiH“, broj 32/09), čl. 11. i 19. Zakona o turističkoj djelatnosti („Službene novine Federacije BiH“, broj 32/09), člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, br. 49/06 i 51/09) i čl. 25 i 69. Statuta Općine Centar Sarajevo-Prečišćeni tekst („Službene novine Kantona Sarajevo“, broj 23/04), Općinski načelnik Općine Centar, donosi

JAVNI POZIV

stručnim licima za podnošenje prijave za imenovanje u Komisiju za utvrđivanje ispunjavanja propisanih uslova za obavljanje ugostiteljske i turističke djelatnosti na području Općine Centar Sarajevo

I

(Predmet)

Pozivaju se zainteresovana fizička lica da podnesu prijave za imenovanje u Komisiju za utvrđivanje ispunjavanja propisanih uslova za obavljanje ugostiteljske i turističke djelatnosti na području Općine Centar Sarajevo (u daljem tekstu: Komisija), u skladu sa Zakonom o ugostiteljskoj djelatnosti („Službene novine Federacije BiH“, broj 32/09) i Zakonom o turističkoj djelatnosti („Službene novine Federacije BiH“, broj 32/09) i drugim zakonskim i podzakonskim propisima kojima je utvrđena nadležnost općinskog organa uprave za obavljanje ovih poslova, i to sljedećih struka:

- Arhitektonske,
- Građevinske,
- Elektrotehničke,
- Mašinske,
- Zdravstveno - sanitarne,
- Zaštite od požara i eksplozije i zaštite na radu.

II

(Potrebna dokumentacija)

Uz prijavu na javni poziv potrebno je priložiti:

- Biografiju (sa adresom prebivališta i brojem telefona),
- Diplomu (VSS – minimalno 180 ECTS bodova),
- Dokaz o radnom iskustvu nakon stečene fakultetske diplome,
- Kopiju lične karte.

Dokumentacija se prilaže u originalu ili u ovjerenoj kopiji.

Lica koja budu imenovana u Komisiju naknadno će dostaviti i broj transakcijskog računa.

III (Podnošenje prijava i rok)

- (1) Javni poziv će biti objavljen u dnevnom listu, na Oglasnoj ploči Općine Centar Sarajevo i na web stranici Općine Centar Sarajevo (www.centar.ba).
- (2) Javni poziv ostaje otvoren 8 dana od dana objavljivanja u dnevnom listu, na Oglasnoj ploči Općine Centar Sarajevo i na web stranici Općine Centar Sarajevo (www.centar.ba).
- (3) Prijave sa dokazima o ispunjavanju uslova javnog poziva podnose se neposredno na protokol Općine Centar Sarajevo ili preporučeno putem pošte.
- (4) Nepotpune ili prijave podnesene po proteku roka neće se razmatrati.

IV

(Kriteriji vrednovanja prijava)

- (1) Na javni poziv mogu se prijaviti lica koja imaju stečena zvanja iz tačke I Javnog poziva i 5 (pet) godina radnog iskustva po stečenom zvanju.
- (2) Prednost pri rangiranju prijavljenih, imat će ona lica koja budu imala više radnog iskustva u oblasti za koju su se prijavili nakon stečene fakultetske diplome.

V

(Postupak nakon prijema prijava)

- (1) Komisiju za odabir kandidata imenuje Općinski načelnik.
- (2) Zadatak Komisije: pregled prispjelih prijava i dokumentacije i utvrđivanje liste - prijedloga kandidata za imenovanje u Komisiju za utvrđivanje ispunjavanja propisanih uslova za obavljanje ugostiteljske i turističke djelatnosti na području Općine Centar Sarajevo, a na osnovu utvrđenih kriterija u Javnom pozivu.
- (3) Utvrđena lista – prijedlog kandidata za imenovanje u Komisiju se dostavlja Općinskom načelniku koji vrši izbor kandidata.

VI

(Sastav Komisije)

- (1) Članove Komisije za utvrđivanje ispunjavanja propisanih uslova za obavljanje ugostiteljske i turističke djelatnosti na području Općine Centar Sarajevo i njihove zamjenike imenuje rješenjem Općinski načelnik.
- (2) Komisiju i zamjenske članove čine po 4 člana različitih struka i 2 državna službenika pravne struke ispred Općine Centar.
- (3) Članovi se imenuju na način da u Komisiji bude zastupljen po jedan član za sljedeće uslove:
 1. Građevinsko urbanistički uslovi,
 2. Uslovi zdravstveno sanitarne zaštite,
 3. Uslovi zaštite na radu i zaštite od požara i eksplozije.
 4. Uslovi zaštite čovjekove okoline.
- (4) Mandat članova komisije, po donošenju rješenja o imenovanju traje 4 (četiri) godine.

VII

Ostale odredbe

Općina Centar Sarajevo ne snosi nikakve troškove u postupku prikupljanja i podnošenja prijava na Javni poziv. Općina Centar Sarajevo ne snosi odgovornost prema učesnicima Javnog poziva u pogledu aktivnosti koje su preuzeli u cilju apliciranja. Predata dokumentacija se ne vraća podnosiocu.

Prijave se dostavljaju na adresu:

Općina Centar Sarajevo
Mis Irbina 1
71000 Sarajevo
Sa naznakom „Javni poziv za imenovanje u Komisiju za utvrđivanje ispunjavanja propisanih uslova za obavljanje ugostiteljske i turističke djelatnosti na području Općine Centar Sarajevo“

„NE OTVARAJ“

Broj: 16-45-235/25
Sarajevo, 29. 04. 2025. godine

